

1. अब्राहामकी जन्नी सारा मुअलपाछ अब्राहाम अपन छावा इसहाकहन सान्त्वना देना का कर्ल ?
 - अब्राहाम अपन छावा इसहाकके निम्ति जन्नी फेला पर्ल ।
2. इसहाकके जन्नीक नाउँ का रहलिन् ?
 - रिबेका ।
3. रिबेका जुम्ल्याहा लड्का जन्मइनासे पहिल परमेश्वरहन हुकनक बारेमा सककु बात कसिक थाहा पइल ?
 - परमेश्वर हन सककु मनइकनके सककु बात थाहा हुइटिन् ।
 - परमेश्वर से लुकना बात कुछु फे निहो ।
4. रिबेका जन्मइलक जुम्ल्याहा दाजुभाइके नाउ का रहलिन् ?
 - एसाब व याकुब ।
5. का एसाब परमेश्वरमा विश्वास करठ ?
 - नि करठ ।
6. का याकुब परमेश्वरमा विश्वास करठ ?
 - करठ ।
7. परमेश्वर काजे याकुबके वंशमासे उद्धारकर्ता पठइना छान्ल ?

- काजेकि एसाब परमेश्वरमा विश्वास नि कर्ल ।
- 8. परमप्रभु हुकहिन देहलक सपनामा याकुब का देखल ?
 - एकठो भर्याङ् देखल ।
- 9. भन्याङ्के तरक फेद कहाँ छुअल रहल ?
 - सिँडीके फेद धरतिमा छुअल रहल ।
- 10. सिँडीके टुप्पा कहाँ पुगल रहल ?
 - स्वर्गसम्म पुगल रहल ।
- 11. सिँडीके फेद धरति छुलक व टुप्पा स्वर्गसम्म पुगलक बातक अर्थ का हो ?
 - सिँडी स्वर्ग व धरतिहन सँग ज्वारल रहल ।
- 12. परमेश्वर काजे याकुबहन यी सपना देखइल ?
 - परमेश्वर अइना उद्धारकर्ता के बारेमा याकुबहन सिखाइत रहल ।
- 13. परमेश्वर अइना उद्धारकर्ताके बारेमा याकुबहन का सिखाइत रहल ?
 - भन्याङ् स्वर्ग व धरतिहन ज्वारलजस्ट परमेश्वर उद्धारकर्ता पठइनावाला रहल जे मनइन व परमेश्वरहन जोड रहलिन् ।
- 14. काजे परमेश्वर उद्धारकर्ता पइइही कहलक प्रतिज्ञा भुल नि सेकठ ?
 - काजेकि परमेश्वर भुल नि सेकठ ।

- काजेकि परमेश्वर परिवर्तन नि हुइठ ।
 - काजेकि परमेश्वर वहाँक प्रतिज्ञा कायम धरठ ।
15. याकुब हरानमा धेर वर्स बसोबास करक पाछ हुकहिन का कहल ?
- परमेश्वर याकुबहन हरान छोडक कनानके धरतिमा घुमक जाऊ कहल ।

1. के याकुबहन सुरक्षा कर्ल व हुकहिन हरानके धरतिमासे कनानके धरतिमा सुरक्षित पुगइल ?
- परमेश्वर ।

उत्पत्ति ३७:१ पढी

याकुब वाकल अनि कनान देशमा बैठलगल । यी उह देश हो जाहाँ हुनकर बाबा बैठठ ।

2. परमेश्वर याकुबहन देहल नयाँ नाउँ का रह ?
- इस्रेल ।

उत्पत्ति ३७:३ पढी

इस्रेल बूहाकसेक पाछ युसुफहन जन्मइल । उह कारणले इस्रेलहन युसुफ अउर छावनसे धेर माया करठ । याकुब अपन छावाहन एकठो लबेदा देल ।

3. याकुबके कइजना छावा रहलिन ?
- बाह जना ।
 - याकुबके ब्राहजना छावाहुँकर रहलिन तर उकार एकजना अउर सक्कु जइनसे धेर माया करठ ।
4. याकुब धेर माया कर्ना छावाक नाउ का रहलिन ?
- युसुफ ।
 - काजेकि याकुब युसुफहन धेर माया करठ उहमारसे ऊ युसुफके लाग गहनाक बुट्टा भर्लक सुग्घर लबेदा बनादेल ।
5. काजेकि याकुब युसुफहन अउर छावनसे धेर माया करठ उहमारसे अउर छावाहुँकर युसुफके बारेमा का विचार करठ ?
- हुँकर युसुफके रीस करठ व हुकहिन घिना करठ ।
 - युसुफके डाडुहन हुकहिन यि कारणले फे घिना करठ काजेकि ऊ हुँकार कर्लक गलत बात के बात लगइलक ।

उत्पत्ति ३७:२ व ४ पढी

याकुबके परिवारके कथा यिहे हो । युसुफ १७ वर्षक जवान रहल । हुनकार काम भेर्वा चरइना रह । ऊ यी काम अपन डाडुभइया व जिल्पा व बिल्हाके छावाहुकनसँग करठ ।

जिल्पा व बिल्हा हँकार बाबाक उपपत्नी रहलिन् । यसुफ हुकन बाबाहन अपन डाडुहुकन कलिस् सककु दुष्टकर्म बतादेना करठ ।

यसुफके अउर डाडुभइयाहुकन जब यी थाहा पइल कि हुँक्र बाबाहन हुँक्रहनसे धेर माया युसुफहन कठ । यिहे कारण हुँक्र अपन भइयाहन घिना करठ वहमारसे वाकरसँग मजा प्रकारले नि बात करठ ।

6. मनइहुँक्र अउर मनइसँग काजे रिसइठ ?

7. मनइहुँक्र अउर मनइहन काजे घिना कठ ?

- काजेकि हरेक मनइ परमेश्वरसे अलग होक जन्मलबाट ।
- काजेकि हरेक मनइ हृदयमा पाप बोकक जन्मल बाट ।
- काजेकि हरेक मइन भुट्टावक सन्तान होक जन्मलबाट ।
- यसुफके डाडुहुँक्र युसुफहन घिना करठ काजेकि हुँक्र परमेश्वरसे अलग होक जन्मल रहल ।
- यसुफके डाडुहुँक्र युसुफहन घिना करठ काजेकि हुँक्र हृदयमा पाप बोकक जन्मल रहल ।
- यसुफके डाडुहुँक्र युसुफहन घिना करठ काजेकि हुँक्र भुट्टावक सन्तान होक जन्मल रहल ।

- हरेक मनइ परमेश्वरसे अलग होक जन्मलबाट व यी हम अपन परिवर्तन कर नि स्याकप ।
- हरेक मनइ हृद्यमा पाप बोकक जन्मलबाट व यी हम अपन परिवर्तन कर नि स्याकप ।
- हरेक मनइ भुट्टवाक सन्तान बन के जन्मलबाट व यी हम अपन परिवर्तन कर नि स्याकप ।
- एकदिन परमेश्वर युसुफहन सपनामा असिन देखइल ।

उत्पत्ति ३७:५-८ पढी

एकजो युसुफ एकठो विशेष सपना देखल पाछ ऊ अपन डाडुहुकन यी सपनाके बारेमा बतइल । दोसपाछ हुकन डाडुहुँक्र हुकन् झन् घिना कर लगल ।

युसुफ कहल मै एकठो सपना देख्बु । हम सक्कु खेत्वामा काम करती रहलिन् । हम सक्कुजना मिलक गहुँक मुठ्ठा बाँध रहलिन् । मै बाँधक मुठ्ठा टुरहक बाँधक मुठ्ठाहन सक्कुणहरसे घेर्ल दोसपाछ टुनहक मुठ्ठा म्वार मुठ्ठाहन नुहके ढोगल ।

युसुफके डाडुभइया हुँक्र कहल का याकर अर्थ तैं राजा हुइब्ब्या अनि हम सक्कु जाइनहन शासन कर्ब्या ? वहाँक डाडु भइया हुँक्र आमिन धेर घीना करलगल कारण हुनकर विषयमा ऊ सपना देखल ।

8. परमेश्वर युसुफहन देखइलक सपना का रह ?

- सपनामा युसुफ व हुनकर डाडुहुँकर गँहुके मुठा बाँधत रहल ।
- दोसपाछ युसुफके गहुँक मुठाहन अउर डाडुहुकनके मुठालके झुकक नमस्कार कर्ल ।
- परमेश्वर युसुफहन देखइलक सपनाक कारणले युसुफके डाडुहुँकर हुकहिन झन् घिना कर लगल ।
- कुछु समय पाछ परमेश्वर यसुफहन अउर सपना देखइल ।

उत्पत्ति ३७:९-११ पढी

तब फेदसे युसुफ अउर सपना देखल । युसुफ यी सपनाक बारेमा अपन डाडुहुकनसे बतइल । ऊ कहल मै घाम जोन्हया व एघार नक्षत्रहुँकर महिन नमस्कार कल लगल देखल ।

ऊ अपन बाबाहनफे यी सपनाक बारेमा कहल । तर वहाक बाबा यी सपनाक विषयमा आलोचना कर्ल । हुकार बाबा कहल यी कसिन प्रकारके सपना हो । का तै विश्वास कर्त्या तोहार डाइ तोहार डाडुहुँकर अनि मै टुहिन द्वाकप । युसुफके डाडुभाइहुँकर ढेर रिस करलगल । तर वहाँक बाबा यी विषयमा ढेर गिहरसे सोचल । अनि विचार कर्ल यी सबके अर्थ का हुइसकी ?

9. परमेश्वर युसुफहन देखइलक द्वासर सपना का रह ?

- सपनामा वहाँ दिन जोन्हया व तारा रह ।
- दोसपाछ दिन जोन्हया व ११ ठो तारा यसुफहन निहरक प्रणाम कर्ल ।

10. सपनामा सूर्य के रह ?

- यसुफके बाबा ।

11. सपनामा जोन्हया के रह ?

- यसुफके डाइ ।

12. सपनामा ११ ठो ताराहुँक्र के रह ?

- यसुफके ११ जना डाइहुँक्र ।

13. दुवै सपनाक अर्थ का रह ?

- एकदिन परमेश्वर यसुफहन बङ्घरिया बनइही व यसुफके परिवार उकहिन हुकार आघ झुकक नमस्कार करही ।

14. यसुफके भविष्य केहिन थाहा रह व हुकहार ऊ भविष्यक सपनाद्वार देखइल ?

- परमेश्वरहन ।
- यसुफके भविष्य परमेश्वरहन थाहा हुइलकजस्ट परमेश्वरहन हामार भविष्यके थाहा बाटिन् ।

15. हमार भविष्यक बारेमा परमेश्वरहन कट्टा थाहा बाटिन् ?

- परमेश्वरहन हमार भविष्यक सक्कु बात थाहा बाटिन् ।
- परमेश्वर युसुफहन देखइलक सपनाक कारणलेक युसुफके डाडुहुँकर हुकहिन झन् ढेर घीना कर्ल ।
- एकदिन युसुफ अपन डाडुहुकन भ्याट बन्वामा गइल ।

उत्पत्ति ३७:१७ ख-२० पढी

यसर्थ युसुफ हुँकरे गइल अनि हुकन दोतानमा भेटइल । युसुफके डाडुभइया हुकन दूरसे आइल देखल । हुकहिन उहिन मर्ना निश्चित कर्क एकठो योजना बनइल । हुँकार डाडुभाइहुँकर एकसे अउर जाइनसे कहल हेरो सपनादर्शी युसुफ आइटा । यदि हम्र सेक्वीकलसे उहिन अवश्य मुआइपरी । हम्र वाकर शरीर एकठो खाली कुवामा फकाइपरी । तब हम्र अपन बाबाहन कहसेक्वी कि बन्वाक जनावर उहिन मुवाइलिस् । तब हम्र हयारब वाकर सपना का हुइस् ।

- युसुफके डाडुहुँकर उहिन ढेर घिना करठ वहमारसे युसुफहन मर्ना योजना करठ ।
- तर युसुफके बड्का डाडु रुबेन हुकहिन बचइना निर्णय कर्ल ।

उत्पत्ति ३७:२१-२४ पढी

तर रुबेन युसुफहन बचइना चहठ । रुबेन कहल उहिन हम्र निमारी । हम्र उहिन चोन नलगाका कुवामा धार

स्याकप । रुवेन हुकहिन बचइना अनि बाबा हुइलक
ठाउँमा फिर्ता पठइ चाहठ । जब युसुफ अपन
डाडुहुकनकहाँ पुगल हुकहिन हुँक्र एक्कासी पक्रल ।
वहाँक लबेदा च्यातचुत पार्ल । दोसपाछ हुकहिन हुँक्र
एकठो सुखा कुवामा खसादेल ।

16. युसुफके डाडुहुँक्र हुकहिन का कर्ल ?

- हुँक्र युसुफके लबेदा निकर्ल व हुकहिन एकठो सुखल
कुवामा खसादेल ।

17. युसुफके डाडु रुबेन वहाँसे जाकसेकपाछ बाँकी रहल
डाडुहुँक्र युसुफहन का कर्ल ?

उत्पत्ति ३७:२५-२८ पढी

जब युसुफ कुवाभितर रहल वहाँक डाडुहुँक्र खाइ बैठल ।
हुँक्र हेर्ल अनि एक बगाल बेपारी हुँक्र गिलाददेख मिश्रओहर
जाइठ करठ देखल । हुँक्र उँट्वाक उपर धेर प्रकारका मसला
व धनदौलत लेकरहल । यहुदा डाडुभाइहन कहल हम अपन
भइया हन मुआक वाकर मृत्यु लुकाक का पइवी ? बरु
हम ऊहिन ऊ वेपारीहुकन ब्याचब त मजा हुइ । हम अपन
भइयाहन मुवाइलक दोषी फे नि हुइठी । अउर डाडुभाइहुँक्र
सहमत हुइल । जब ऊ मिद्यानी व्यापारीहुँक्र नजिक अइल
हुँक्र युसुफहन कुवामासे बाहिर निकर्ल । हुँक्र युसुफहन २०

ठो चाँदीक टुकामा बेचल । ऊ बेपारीहुँकर युसूफहन मिश्रमा लेक गइल ।

- युसुफ बाँकी डाडुहुँकर युसुफहन दासहुकनक कारोबार करना हुकनक हातमा दास बनाइ बेचदेल ।

18. दास हुकनक कारोबार कर्ना हुँकर युसुफकहन कहा पुगइल ?

- मिश्रमा ।

19. रुबेन घुम्लपाछ हुकार बाँकी रहलक डाडुहुँकर का कर्ल ?

उत्पत्ति ३७:२९-३१ पढी

यी सक्कु घटना हुइबेर रुबेन वहाँ अपन डाडुभाइहुकनक सँग नि रहल । हुँकर युसुफहन बेचलक वहाँहन थाहा नि पइल । जब रुबेन कुवामासे अइल वहाँ ऊ युसुफहन नि देखल । शोक प्रकट करठ वहाँ अपन लुगाच्यातचुत पार्क रुवेन अपन डाडुभइया हुकन रहलक ठाउँमा गइल व कहल । ऊ लौरा कुवामा नि हो । मै का करू ? व डाडुभइया हुँकर एकठो बोके मर्ल अनि वाकर रगत ऊ सुग्घर लबेदामा लगइल ।

- युसुफके डाडुहुँकर युसुफके लबेदा लेक एकठो छेकर्या कट्ल व युसुफके लबेदा उह छेकर्याक रगत लेक पोत्ल ।

- दोसपाछ युसुफके डाडुहुँक्र उह रगतले लतपत युसुफके लबेदा लेक अपन बाबाकठे गइल ।

उत्पत्ति ३७:३२-३७ पढी

तब हुँक्र ऊ लबेदा अपन बाबाहन देखइल । अनि हुँक्र पुछल हम यी लबेदा पइल का यी लबेदा युसुफके हो ? हुँकार बाबा कोट देखल अनि बुझन कि यी युसुफके कोट रह हो । हुँकार बाबा कहल इ वाकर कोट हो । बन्वाक जनावरहुँक्र म्वारा छावा युसुफहन मुवाक खाइलक हुइपरी । याकुब अपन छावाक निमित्त बहुत शोकाकुल होक लुगा फर्ल । तब शोक करलाक लाग एक खास प्रकारके लुगा लगइल । याकुब छावाक शोक धेर लम्मा समयसम्म मनइल । वाकर सक्कु छावाछाइहुँक्र उहिन सान्त्वना देहिन प्रयास कर्ल तर याकुब कबुफे शोकमुक्त नि हुइल । ऊ कहल म्वार छावाक निमित्त मै नि मरुन्जेलसम्म शोकमा रहम । यसर्थ याकुब छावाक शोकमा परल रहल । ऊ मिद्यानी व्यापरीहुँक्र मिश्र देशमा युसुफहन बेचदेल । फारोके रक्षकहुँकनके कप्तान पोतिफरहन हुँक्र युसुफहन बेचल ।

- युसुफके डाडुहुँक्र हुकहिन दासके रुपमा बेचल ।
- युसुफके डाडुहुँक्र हुँकार बाबा हुकनफे छल कर्ल ।
- याकुब युसुफ मुअल कोक ठन्ल ।
- युसुफके डाडुहुँक्र युसुफहन घिना कर्ल ।

- युसुफके डाडुहुँक़ युसुफप्रतिके घिनाक कारणले यसुफहन दास हूइना बेचना तुल्याइल ।
- युसुफके डाडुहुँक़ युसुफप्रतिके घिनाक कारणले हुकारहन बाबाहन छल कर्ना तुल्याइल ।
- घिना सद्द अउर ढेर पापओहर लैजाइठ ।

20. युसुफ कहाँ रहल ?

- युसुफ मिश्रमा रहल ।

उत्पत्ति ३९:१ पढी

जोन व्यापारी युसुफहन किन्ल हुँक़ युसुफहन मिश्र देशमा लेक गइल । वहाँ युसुफहन फारोके अङ्गरक्षकके सेनापतिहन बेचल ।

21. दासहुँक़नके कारोबार कर्ना योसफहन क्याकर हातमा बेचल ?

- पोतिफर ।

22. का परमेश्वर युसुफहन कुछु संशोधन कर्ल ?

- नि कर्ल ।
- जे परमेश्वरमा विश्वास करठ हुकहिन परमेश्वर कबुफे संशोधन नि कर्ल ।
- परमेश्वर युसुफकेसँग सद्द रहठ ।

23. पोतिफर हुकहिन अपन घरमा लैजाकसेकपाछ युसूफहन का हुइल ?

उत्पत्ति ३९:२-६ पढी

तर परमप्रभु युसुफहन सहायता कर्ल । यसुफ एकठो सफल मनइया हुइल । युसुफ अपन मिश्री मालिक पोतिफरके घरमा बैठल ।

पोतिफर थाहा पइल परमप्रभु यसुफहन सहायता कर्लबाट । वहाँ इ फे थाहा पइल कि युसुफ ज्या कठ ऊहहन सफल बनाइकलाग परमप्रभु सहायता कर्लक हुइट । यहकारण युसुफहन पाक पोतिफर खुशी रहल । पोतिफर हुकहिन अपन काम करइना व घरमा व्यवस्था मिलइना काममा लगइल । पोतिफरके हरेक बातमा युसुफके अधिकार रहिन् । जब युसुफ पोतिफरके घरमा प्रत्येक चिजके अधिकारी बन्ल तब परमप्रभु पोतीफरके घरमा रह प्रत्येक चिजमा आशीर्वाद देहल । परमप्रभु युसुफके कारण असिन कर्ल अनि पोतिफर खेट्टवामा उब्जइना प्रत्येक चिजमा आशीर्वाद देहल । वहमारसे पोतीफर अपन घरके प्रत्येक चिजके जिम्मेवारी लगइल । पोतिफर कुछुफे बातके चिन्ता नि कठ ऊ खाली अपन भोजनके विषयमा केलहक चिन्ता करठ ?

- यदपि युसुफके डाडुहँकु हुकन घिना कर्ल परमेश्वर युसुफसँगके सम्बन्ध संशोधन नि कर्ल ।

- यद्यपि युसुफके डाडुहँक्र हुकन दासके रुपमा बेचदेल तर परमेश्वर वहाँसके सम्बन्ध संशोधन नि कल ।
- काजेकि युसुफ परमेश्वरमा विश्वास कर्ल वहमारसे परमेश्वर हुकहिन आशिष देहल ।
- एकदिन पोतिफर घरमा निरहल बेला युसुफके उपर कुछु घटना हुइल ।

उत्पत्ति ३९:६ख-१५ पढी

युसुफ अत्यन्त सुगधर व मजा रहल । कुछु समय पाछ युसुफके मालिकके जन्नी हुकहिन माया कर लगली । एकदिन ऊ कहलिन् म्वारसँग सुतु ।

तर युसुफ नि मन्ल ऊ कहल म्वार मालिकवा यी घरक प्रत्येक चिजके निम्ति महिन विश्वास करठ । ऊ यी घरक प्रत्येक चीजके निम्ति महिन जिम्मेवारी देहलबाट । म्वार मालिक महिन अपन समान सम्झठ । तर मै हुनकार जन्नीसँग सुत नि हुइ । यी मजा नि हो । यी परमेश्वरके विरुद्मा पा हो ।

ऊ जन्नी प्रत्येक दिन युसुफके जङ्ग बात करठ । तर युसुफ वाकरसँग सुत्ना अस्वीकार करठ । एकदिन युसुफ अपन कामके निम्ति घरभिन्नर बैठल रहल । उह बेला लौरा मनइ ऊ केवल रहल । हुकार मालिकवाक जन्नी युसुफके लुगा पक्रल अनि युसुफ हन कहल । टु म्वारसँग

ओछ्यानमा आऊ । तर युसुफ वहाँसे अट्टाहली भगल कि हुनकर लुगा वाकर मालिकवाक जन्नीक हातमा रहल । ऊ मनइयाक जन्नी द्याखल वाकर लुगा वाकर हातैमा रहलिन् । अनि युसुफ घरथेसे बाहिर भागक गैल । यसर्थ ऊ निश्चय करल कि ज्या हुइल रह वाकर विषयमा झूठ प्रचार कर परी । ऊ बाहिरके मनै हुकन बोलाइल गइल । यी दखे यी हब्रु कमारा हम्र बेइजत कर यहाँ अइल । ऊ भितर आइल अनि म्वारसँग सुत कोसिस करल । तर मै बहुत जोरसे चिच्याइनु कलसे ऊ डराक यहाँसे भागल । तर ऊ अपन कोट म्वारसँग छोरक गइल ।

- काजेकि युसुफ परमेश्वरहन विश्वास करठ वहमारसे ऊ पोतिफरके जन्नीकेसँग यौनसम्पर्क करना अस्वीकार कर्ल ।
- काजेकि युसुफ पोतिफरके जन्नीक सँग यौनसम्पर्क करना अस्वीकार कर्ल वहमारसे पोतिफरके जन्नि युसुफके जन्नी झूठ बात करलिन् ।

24. जब पोतिफर घरुमा अइल दोसपाछ का हुइल ?

उत्पत्ति ३९:१६-२० पढी

यी कारण ऊ अपन थर्वा घर फरकनाजेलसम् ऊ लुगा अपनसँग धारल अनि ऊ अपन थर्वाहन यी कथा सुनाइल

। ऊ कहल तोहार अनलक हिब्रु दास म्वारसँग व्यविभचार कर्क लज्जित बनाइल । जब ऊ म्वारसँग आइल मै चिच्याइनु अनि ऊ भागल तर ऊ अपन लुगा छोरक गइल ।

जत्राबेला युसुफ के मलिबवा कथा सुन्ल ऊ बहुत रिसाइल । वहाँ एकठो झ्यालखाना रह अनि वमा राजाक शत्रुहुँक धारठ । पोतिफर युसुफहन फे उह झ्यालखानमा धर्ल । अनि युसुफ उह झ्यालखानमा फे बैठरहल ।

- जब पोतिफर घर घुम्क अइल दोस अपन जन्नीक झूठ पत्याइल व युसुफहन झ्यालखानमा जाकदेल ।

25. जब युसुफ झ्यालखानमा पर्तिरहल का वहाँ हुँकारसँग सम्बन्ध संशोधन कर्ल ?

- नि कर्ल ।
- ज्या वहाँमा विश्वास कर्ठ वाकरसँग परमेश्वर कबुफे सम्बन्ध संशोधन नि कर्ठ ।
- परमेश्वर युसुफके सँग हरदम रहठ ।
- युसुफ जेलमा रहलबेला फे परमेश्वर हुकारसँग रहठ ।

उत्पत्ति ३९:२०ख-२३ पढी

पोतिफर युसुफहन इहे झ्यालखानमा धर्ल अनि युसुफ उहाँ बैठल रहल । तर परमप्रभु युसुफके सँग रहल । वहाँ सद्द वाकारसँग दयाल रहठ । वहाँ अउर कैदी

हुकनके मुख्य युसुफहन बनइल । अनि एक रक्षकहन करपर्ना प्रत्येक बात हुकहिन कर लगइल । रक्षकहुकनके अधिकारी झ्याखानाक सक्कु बातमा युसुफके उपर विश्वास करठ । यिहकारणले हुइना हुइलक कारण परमप्रभु युसुफहन सहायता करठ । युसुफु झ्या करठ परमप्रभु हुकहिन सफल करठ ।

- यद्यपि युसुफके डाडुहुँक्र घिन कर्ल युसुफहन तर फे युसुफ अमिनफे परमेश्वरमा विश्वास करठ ।
- यद्यपि युसुफके डाडुहुँक्र हुकहिन दासके रूपमा बेचदेल तर फे युसुफ आमिने फे परमेश्वरमा विश्वास कर्ठ ।
- यद्यपि पोतिफरके जन्नी युसुफके बारेमा झूठ बात कर्ल तर फे यसुफ आमिनफे परमेश्वहन विश्वास करठ ।
- यद्यपि युसुफ झ्यालखानमा परल रहल तर फे यसुफ आमिनफे परमेश्वरमा विश्वास करठ ।

26. यसुफहन झ्यालखानमा के सुरक्षा देहल ?

- परमेश्वर ।

27. परमेश्वर काजे युसुफहन रक्षा देहल ।

- काजेकि युसुफहन ऊ अपन पापमा जन्मलक बात थाहा रहलिन् ।

- काजेकि युसुफहन वाकर पाप आत्मिक मृत्यु अन्ल कोक थाहा रहलिन् ।
- काजेकि युसुफहन केवल परमेश्वर केलहक हुकहिन बचाइ सेकही कहना थाहा रहलिन् ।
- काजेकि योसेफ परमेश्वरमा विश्वास करठ वसिन हो कलसे परमेश्वर हुकहिन बचाइकला उद्धारकर्ता पठइनावाला रहल ।

28. युसुफ झ्यालखानमा बेला परमेश्वर हुकहिन बिर्सल हुइही कहना टुरहिन ठन्लबाटु ?

- नि ठन्ठी ।
- अउर पाठमा हम्र परमेश्वर युसूपके निम्ति झ्यालखानमा का कर्ल ऊ बात पढवी ।